

Pembrokeshire County Council  
Cyngor Sir Penfro



**Gwasanaethau  
Cymdeithasol**

Cynllun Gohirio  
Taliadau

Gellir dod o hyd i wybodaeth am wasanaethau a  
ddarperir gan Gyngor Sir Penfro yn  
[www.sir-benfro.gov.uk](http://www.sir-benfro.gov.uk)

I gael copi o'r llyfryn hwn mewn print bras,  
Braille, Cymraeg neu iaith arall, cysylltwch â  
Chyngor Sir Penfro ar 01437 764551

## **Beth yw'r cynllun gohirio taliadau?**

Os ydych chi'n symud i gartref preswyl neu gartref nyrsio, gallwch wneud cais i'r awdurdod lleol i dalu eich ffioedd cartref gofal hyd nes y byddwch chi'n gallu:

- Cael mynediad i / rhyddhau arian sydd ynghlwm yn eich eiddo.
- Cael mynediad i asedau cyfalaf e.e. arian a ddelir mewn ymddiriedolaethau, cyfranddaliadau ac ati
- Cael mynediad i rai asedau cyfalaf nad oes modd i chi gael mynediad iddynt ar hyn o bryd.

Fe all eich bod chi'n gymwys os ydych chi'n berchen ar eiddo neu asedau cyfalaf, ond eich bod chi'n dewis peidio â defnyddio'r cyfalaf i gwrdd â chost eich gofal. Rhaid i unrhyw arian a delir gan yr awdurdod lleol mewn amgylchiadau fel hyn gael ei ad-dalu.

Mae hyn yn golygu y bydd y Cyngor yn talu am gostau eich gofal preswyl ac os ydych chi'n berchen ar eiddo, trefnir fod y benthyciad yn cael ei warantu yn erbyn eich eiddo, hyd nes i hwnnw gael ei werthu, neu eich bod chi'n marw. Bryd hynny, ad-delir y ddyled i'r Cyngor. Amlinellir hyn i gyd mewn cytundeb gyda Chyngor Sir Penfro, y bydd angen i chi, neu eich cynrychiolydd ariannol, ei lofnodi. Codir llog ar y gyfradd a bennir yn y rhestr taliadau gwasanaethau cymdeithasol, sydd ar gael ar ein gwefan neu ar gais. Bydd llog yn daladwy o ddyddiad arwyddo'r cytundeb gohirio taliad.

## **Ar gyfer pwy mae'r cynllun hwn?**

Mae'n addas i chi os ydych chi'n symud i ofal preswyl neu ofal nyrzio yn barhaus, o dan gynllun a gyllidir gan yr awdurdod lleol a:

- Does gennych chi ddim mynediad i'ch ased cyfalaf e.e. cartref, tir, buddsoddiad ac ati
- Nid ydych chi'n dymuno gwerthu eich eiddo.
- Nid oes modd i chi werthu eich eiddo'n ddigon cyflym i dalu am eich gofal.
- Nid oes modd i chi gael mynediad i arian er mwyn talu costau llawn eich gofal.

## **Pwy sy'n gymwys ar gyfer y cynllun?**

I ymuno â'r cynllun rhaid i chi fodloni pob un o'r amodau canlynol: (Noder: nid yw hon yn rhestr gyflawn.)

- Rydych chi wedi cael eich asesu gan Ofal Cymdeithasol i Oedolion a dywedir bod angen gofal preswyl neu ofal nyrzio parhaol arnoch.
- Rydych chi'n gymwys i dderbyn cyllid gan y Cyngor.
- Mae gennych ddiddordeb manteisiol mewn ased cyfalaf sy'n werth digon i gwrdd â'r taliad a aseswyd.
- Chi sydd â'r flaenoriaeth gyntaf yn yr eiddo a aseswyd.

Byddai angen i'r rheiny nad oes ganddyn nhw'r gallu i wneud penderfyniad feddu ar:

- Atwrneiaeth – sy'n gallu gweithredu ar eu rhan yng nghyd-destun materion ariannol.
- Dirprwy – sy'n gallu gweithredu ar eu rhan yng nghyd-destun materion ariannol.

# **Sut mae'r cynllun yn gweithio?**

## **Os ydych chi'n berchen ar eiddo y gellir ei asesu.**

Os ydych chi wedi cael eich asesu ac y byddwch chi'n derbyn gofal a chefnogaeth y codir amdano, byddwn ni'n cynnig asesiad ariannol i chi i benderfynu faint fydd angen i chi ei dalu tuag at eich gofal.

Anwybyddir gwerth eiddo cymwys wrth gyfrifo'r asesiad ariannol dros 12 wythnos gyntaf y lleoliad mewn cartref gofal. Bydd angen i chi wneud cyfraniad wedi'i asesi yn ystod y cyfnod 12 wythnos.

O'r 13eg wythnos cynhwysir eich eiddo yn yr asesiad ariannol ac fe all y swm y gofynnir i chi ei dalu bob wythnos fod yn uwch na'ch incwm. Bydd gennych gyfle i ohirio pob rhan neu ran o'r taliad tan adeg diweddarach.

Bydd y Cyngor hefyd yn trefnu i rywun cymwys brisio eich eiddo.

Er mwyn gwneud hyn bydd angen i chi neu eich cynrychiolydd ariannol gytuno bod y Cyngor yn gallu gosod blaenoriaeth ariannol ar yr eiddo. Yn gyfnewid, bydd y Cyngor yn talu gweddill eich costau gofal hyd at swm a gytunwyd a fyddai'n cael ei dalu pan werthir yr eiddo.

Gellir defnyddio trefniant gohirio taliad hefyd i dalu am lety mwy drud, a gelwir hyn yn 'Gyfraniadau Costau Ychwanegol'.

**Os oes gennych chi asedau cyfalaf eraill y gellir eu hasesu.**  
(Ac eithrio eiddo asesiadwy)

Os oes gennych chi fuddsoddiadau eraill nad oes modd i chi / nad ydych chi'n dymuno cael mynediad iddynt, gallwch chi wneud cytundeb gohirio taliadau. Gallech hefyd ddefnyddio'r cynllun i dalu am lety mwy drud, a gelwir hyn yn 'Gyfraniadau Costau Ychwanegol'.

Mae Cyngor Sir Penfro yn codi ffi weinyddu untro er mwyn paratoi trefniant gohirio taliad. £500 yw'r ffi, a bydd yn cynnwys y costau cyfreithiol a ffioedd y Gofrestrfa Tir a delir gan yr Awdurdod Lleol wrth sefydlu cytundeb. Gellir talu'r ffi pan fydd y trefniadau'n cael eu gwneud, neu os nad oes digon i dalu'r ffi, gellir gohirio'r taliad yma hefyd.

**Os oes angen i chi dalu Cyfraniad Costau Ychwanegol, rhaid i'r arian gael ei ad-dalu:**

- Pan fydd rhai newidiadau'n digwydd i'ch amgylchiadau ariannol.
- Pan fydd yr eiddo'n cael ei werthu.
- Pan ddaw'r cytundeb i ben gan y parti e.e. y Cyngor, chi neu eich cynrychiolydd.

Codir llog hefyd os byddwch yn gohirio Cyfraniad Costau Ychwanegol. Bydd y llog yn daladwy o ddyddiad arwyddo'r cytundeb gohirio taliad.

## **Sut ydw i'n gwneud cais am y Cynllun Gohirio Taliadau?**

Pan fyddwch chi'n symud i gartref preswyl neu nyrsio yn barhaol ar ôl derbyn asesiad gofal cymdeithasol, bydd angen cwblhau ffurflen asesiad ariannol fel rhan o'r broses fynediad.

Pan fydd y ffurflen hon wedi cael ei phrosesu, rhoddir gwybod i chi neu eich cynrychiolydd sut i wneud cais am ohirio taliadau. Byddwch chi hefyd yn derbyn cadarnhad o gost y lleoliad preswyl neu nyrsio.

Ystyrir eich cais yn unol â meini prawf deddfwriaethol ac os ydych chi'n llwyddiannus, anfonir cytundeb gohirio taliadau atoch chi neu eich cynrychiolydd.

### **Cais Llwyddiannus**

Pan fyddwch chi'n derbyn eich cytundeb gohirio taliadau rhaid i chi geisio cyngor cyfreithiol / ariannol annibynnol cyn ei lofnodi.

Dylid dychwelyd y cytundeb wedi'i gwblhau at y Cyngor a byddwch chi'n derbyn llythyr yn cadarnhau popeth pan fydd eich cytundeb yn barod.

Os nad yw eich cais yn llwyddiannus yna rhoddir gwybod yn ysgrifenedig i chi neu eich cynrychiolydd pam y gwnaed y penderfyniad hwnnw.

Os ydych chi'n anghytuno â'r penderfyniad, mae gennych hawl i apelio. Am ragor o wybodaeth ffoniwch:

**Cyllid Gofal Cymdeithasol ar 01437 764551.**

### **Asedau cyfalaf:**

Bydd y Cyngor yn trefnu i'ch eiddo gael ei brisio ac ar ôl i hynny ddigwydd byddwn ni'n anfon llythyr atoch yn amlinellu telerau'r cytundeb. Bydd y llythyr yn dangos eich taliadau wythnosol a aseswyd.

## **Beth os nad ydyw i eisiau Gohirio Taliad?**

### **Eiddo y gellir ei asesu**

Os ydych chi wedi cael cynnig Cytundeb Gohirio Taliad, ond dydych chi ddim yn dymuno'i gael, ac ni allwch dalu am ffioedd y cartref gofal, bydd Adran 71 o Ddeddf Gwasanaethau Cymdeithasol a Llesiant 2014 yn weithredol.

Bydd y Cyngor yn trefnu fod Taliad Cyfreithiol yn cael ei roi yn erbyn yr eiddo, a bydd hyn yn gwarantu'r ddyled a fydd yn ddyledus i'r Cyngor pan werthir yr eiddo. Os yw'r ddyled yn dal i fodoli ar ôl i chi farw, bydd taliadau llog yn ddyledus o'r 56fed diwrnod ar ôl i chi farw.

### **Beth os ydw i eisoes yn byw mewn gofal preswyl?**

Os ydych chi eisoes wedi symud i ofal preswyl, ond mai dim ond nawr yr ydych chi'n clywed am y Cynllun Gohirio Taliad, fe allwch chi fod yn gymwys o hyd. I ddysgu mwy, cysylltwch â'r swyddfa isod.

### **Sut alla i ddysgu mwy am y cynllun?**

I ddysgu mwy am y cynllun, cysylltwch â:

Tim Taliadau ac Asesiadau Ariannol ar  
Cyfer Gwasanaethau Cyhoeddus  
Cyngor Sir Penfro  
Hwlfordd  
SA61 1TP  
01437 764551